



CEANGLAS CHUN STIÚRTHÓIR A CHÓNAÍONN
I mBALLSTÁT DEN LIMISTÉAR EORPACH
EACNAMAÍOCH (LEE) A BHEITH AG CUIDEACHTA

BILEOG FAISNÉISE UIMH. 17 / MÍ MHEÁN FÓMHAIR 2009

CLÁR ÁBHAR

1. RÉAMHRÁ	1
2. CEANGLAS CHUN STIÚRTHÓIR AMHÁIN A BHEITH AG CUIDEACHTA AR A LAGHAD A CHÓNAÍONN IN ÉIRINN	1
3. CUIDEACHTAÍ NUA	2
4. CUIDEACHTAÍ ATÁ ANN CHEANA FÉIN	3
AGUISÍN 1: STIÚTHÓIR A CHÓNAÍONN IN ÉIRINN A SHAINMHÍNIÚ CHUN CRÍOCHA ALT	5
AGUISÍN 2: SAGHAS BANNA DAINGNITHE AG CUIDEACHTA GAN STIÚRTHÓIR CÓNAITHE	6

1. RÉAMHRÁ

Ní mór do gach cuideachta stiúrthóir amháin a bheith aici ar a laghad don am i láthair a chónaíonn i mballStát den LEE (Limistéar Eorpach Eacnamaíoch).¹ Ní chomhlíontar an ceanglas seo nuair a bhíonn stiúrthóir malartach ag cuideachta a chónaíonn i mballStát den LEE.²

Tá LEE:

An Ostair, An Bhilig, An Bhulgáir, An Chipir, Poblacht na Seice, An Danmhairg, An Eastóin, An Fhionlainn, An Fhrainc, An Ghearmáin, An Ghréig, An Úngáir, An Íoslainn, Éire, An Iodáil, Poblacht na Iaitvia, Lichtinstéin, AN Liotuáin, Lucsamburg, Málta, An Ísiltír, An Iorua, An Pholainn, An Phortaingéil, An Rómáin, An tSlóvaic, An tSlóivéin, An Spáinn, An tSuasalainn agus An Ríocht Aonaithe.

Ní bhaineann an ceanglas seo le cuideachta ar bith a bhfuil banna nó deimhniú alt 44 aici don am i láthair. Eolaí achomair is ea an bhileog seo agus ba chóir í a léamh i dteannta leis an reachtaíocht ábhartha. Ba chóir duit teagmháil a dhéanamh le do chomhairleoir ghairmiúil agus cabhair bhreise ag teastáil uait.

Tá na foirmeacha (agus na táillí comhdaithe a bhaineann leo) dá dtagraítear sa foilseachán seo le fáil ag www.cro.ie.

2. CEANGLAS CHUN STIÚRTHÓIR AMHÁIN A BHEITH AG CUIDEACHTA AR A LAGHAD A CHÓNAÍONN I mBALLSTÁT LEE

Ní bhaineann an ceanglas chun stiúrthóir amháin a bheith ag cuideachta ar a laghad a chónaíonn i mballstát LEE le cuideachta ar bith a bhfuil banna de luach €25,394.76 i bhfeidhm aici, atá san fhoirm fhorordaithe. Forálann an banna seo nuair a theipeann ar chuideachta

- (a) fíneáil a íoc a fhorchuirtear uirthi i leith ciona a rinne sí faoi Achtanna na gCuideachtaí 1963-2009 ar féidir le Cláraitheoir na gCuideachtaí a ionchúiseamh agus/nó
- (b) fíneáil a íoc a fhorchuirtear uirthi i leith ciona a rinne sí faoi alt 1078 den Acht Comhdhlúite Cánacha 1997 nuair a theip uirthi dearbhú a sheachadadh faoi 882 den Acht sin nó nuair a theip uirthi cloí le fógra a seirbheáladh uirthi faoi alt 884 den Acht sin, agus/nó
- (c) pionós a íoc ar gá di a íoc faoi alt 1071 nó 1073 den Acht Comhdhlúite Cánacha 1997,

go mbeidh uirthi suim airgid a íoc faoin mbanna le dliteanas na cuideachta a ghlanadh i bpáirt nó go hiomlán i leith fíneála nó pionóis den saghas sin.

Ní féidir leis an CRO glacadh le banna chun críocha alt 43 d'Acht na gCuideachtaí (Leasú)(Uimh.2) 1999, ach amháin banna atá san fhoirm fhorordaithe de bhun an Ordaithe um Acht na gCuideachtaí (Leasú)(Uimh.2) 1999 (Bannaíocht) 2000 (féach Aguisín 2).

¹ Alt 43 d'Acht na gCuideachtaí (Leasú)(Uimh. 2) 1999

² Alt 43(16) den Acht 1999 (Uimh. 2), curtha isteach le halt 10(1)(c) d'Acht na gCuideachtaí (Leasú) 2009.

Stiúrthóir ionaid is ea stiúrthóir malartach a d'fhéadfadh a bheith ceapaithe ag stiúrthóir lánaimseartha má cheadaítear é sin de réir airteagail na cuideachta.

Ní mór don Urra bheith ina c(h)omhalta ar aicme a shonraítear i Sceideal 2 den Ordú um Acht na gCuideachtaí (Leasú)(Uimh.2) 1999 (Bannaíocht) 2000 i.e. banc, cumann foirgníochta, cuideachta árachais nó institiúid chreidmheasa.

Ba chóir a thabhairt faoi deara gur cion coiriúil é mura mbíonn stiúirthóir amháin ar a laghaag cuideachta atá cláraithe in Éirinn, a chónaíonn i mballstat LEE.^{3,4} Is féidir an chuideachta agus oifigigh na cuideachta a bhfuil mainnithe acu a ionchúiseamh maidir leis seo. Tá cumhacht ag Cláraitheoir na gCuideachtaí imeachtaí a thabhairt os comhair na Cúirte Dúiche i gCeantar Cathrach Bhaile Átha Cliath mura mbíonn stiúirthóir ag cuideachta a chónaíonn i mballstát Limistéar Eorpach Eacnamaíoch (LEE).

3. CUIDEACHTAÍ NUA

Ní mór banna a chur isteach in éineacht le hiarratas ar bith ar chuideachta a ionchorprú mura mbíonn stiúirthóir aici atá ina c(h)ónaí imballstát Limistéar Eorpach Eacnamaíoch (LEE).

Ní mór na ceanglais seo a leanas a chomhlíonadh agus banna á chomhdú:

- Ní mór do láithreoirí iarratais ar ionchorprú lena ngabhann bannaí a mharcáil go soiléir.
- Ní mór cloí leis na ceanglais fhorordaithe fhorghníomhaithe (i.e. faoi Chomhshéala an Urra.
- Ba chóir an banna bunaidh, agus cóip dheimhnithe a chur faoi bhráid na CRO in éineacht le Foirm A1.

3.1 Dáta a bheidh éifeacht ag an mbanna

Forordaítear tréimhse dhá bhliain san Ordú um Acht na gCuideachtaí (Leasú)(Uimh. 2) 2) 1999 (Bannaíocht) 2000 mar **íosthréimhse** bhailíochta an bhanna. D'fhéadfaí tús a chur leis an tréimhse seo “*níos déanaí ná na himeachta a cuireadh banna i gcrích ina leith*”. Thairis sin, i gcás cuideachtaí nua, caithfidh éifeacht a bheith ag an mbanna amhail an dáta ionchorpraithe.

Maidir le cuideachtaí nua, is é an t-imeacht a chuirtear banna i gcrích ina leith ná cuideachta a ionchorprú nach bhfuil stiúirthóir aici a chónaíonn imballstát LEE. Tá ceanglas reachtúil ann freisin, áfach, gur gá an banna a thabhairt don CRO, in éineacht le Foirm A1, sula ndéantar an chuideachta a ionchorprú.

Admhaímid go bhféadfadh roinnt deacrachtaí a bheith bainteach leis an bpróiseas seo do chuideachtaí.

Ba chóir a thabhairt faoi deara go gcuireann mír 5 den bhanna ar chumas na gcomhpháirtithe an dáta tosaigh a ordú. Ní gá an dáta céanna a roghnú ar a ndéanann na comhpháirtithe an banna a fhorghníomhú agus dá bhrí sin, bíonn cion beag éascaíochta acu.

Tá na ceanglais seo a leanas curtha chun feidhme ag an CRO maidir leis an dáta a bheidh

³ Féach 4.2 maidir le deimhnithe alt 44.

⁴ Nó banna reatha nó deimhniú reatha alt 44: Alt 43(13) den Acht 1999 (Uimh. 2).

éifeacht ag na bannaí faighte i dtaca le cuideachtaí nua.

Ní féidir dáta a roghnú a bheidh éifeacht ag an mbanna atá níos déanaí ná ceithre lá oibre roimh dháta ionchorpraithe na cuideachta, ar leith ón dáta ionchorpraithe.

Baineann caighdeáin seirbhíse le gach scéim ionchorpraithe mar is eol do chustaiméirí. Is iad seo:

Fé Phráinn: ionchorprú laistigh de 10 lá oibre tar éis do na doiciméid a fháil

CRODisk: ionchorprú laistigh de 5 lá oibre tar éis do na doiciméid a fháil

De ghnáth: ní dhéantar an leibhéal seirbhíse a ráthú ach de ghnáth ionchorpraítear cuideachta 15 lá oibre tar éis do na doiciméid a fháil

Agus dáta á leagadh amach le héifeacht a thabhairt don bhanna, ba chóir d'iarrthóirí, dá bhrí sin, an modh ionchorpraithe agus na tréimhsí ama ábhartha a chur san áireamh.

Bíonn éifeacht ag na dátaí seo a leanas i ngníomh:

Fé Phráinn: cúig lá oibre tar éis d'Fhoirm A1 a fháil san CRO

CRODisk: ón dáta a fhaightear Foirm A1 ar aghaidh

De ghnáth: deich lá oibre tar éis d'Fhoirm A1 a fháil ar aghaidh

Doiciméad an-luachmhar is ea an banna atá srianta ó **thaobh ama** de. Dá bhrí sin, nuair a chuirtear é i gceangal le doiciméid ionchorpraithe a chomhdaítear leis an CRO (go háirithe ar CRODisk), ní mór na focail “Banna Iniata” a chur síos ar an gclúdach a ghabhann leis na doiciméid. Ní mór tic a chur freisin sa bhosca cuí ar an gcéadleathanach den Fhoirm A1.

Má sheoltar iarratas ar ionchorprú, lena ngabhann banna, ar ais chuig an láithreoir le hé a leasú, beidh banna nua ag teastáil le dáta coigeartaithe nua de réir na sonraí thuas, ach amháin nuair a chuirtear an t-iarratas athcheartaithe faoi bhráid na CRO laistigh **de chúig lá oibre**.

4. CUIDEACHTAÍ ATÁ ANN CHEANA FÉIN

Nuair a chuirtear deireadh le stiúirthóireacht a chuirtear in iúl ag úsáid Foirme B10 agus mura mbíonn stiúirthóir ag cuideachta ina dhiaidh sin a chónaíonn i mballstát Limistéar Eorpach Eacnamaíoch (LEE), ba chóir don chuideachta banna a chur isteach in éineacht le Foirm B10 a chuireann in iúl don CRO nach bhfuil stiúirthóir fágtha ag an gcuideachta a chónaíonn i mballstát LEE nó ba chóir di deimhniú a fháil de bhun ailt 44 d'Acht na gCuideachtaí (Leasú)(Uimh.2) 1999.⁵

4.1. Banna

Agus banna á chomhdú tar éis do chuideachta a ionchorprú:

- Ní mór cloí leis na ceanglais fhorordaithe fhorghníomhaithe (i.e. faoi Chomhshéala an Urra).
- Ba chóir don chuideachta an banna **bunaidh**, agus cóip dheimhnithe a chur isteach in éineacht le Foirm B10. Ar dhóigh eile, is féidir leis an stiúirthóir atá ag éirí as oifig an banna a chur isteach agus litir a sheoladh chuig Cláráitheoir na gCuideachtaí, tráth nach déanaí ná 14 lá ón dáta a éiríonn sé/sí as oifig, a chuireann in iúl don Chláráitheoir nach bhfuil stiúirthóir eile ag an gcuideachta a chónaíonn i mballstát, a mhéid is eol dó/di. Mura mbíonn an banna comhdaithe amháin an dáta a sheachdтар tuairisceán bliantúil na cuideachta don CRO, ní mór an banna a

⁵ Féach 4.2 maidir le deimhnithe alt 44.

sheoladh chuici in éineacht le tuairisceán bliantúil na cuideachta, i gcás nach raibh stiúrthóir aici a chónaíonn i mballstát LEE le linn thréimhse an tuairisceáin bhliantúil.

- Iarrtar ar láithreoirí Foirmeacha B10 agus B1 lena ngabhann bannaí a mharcáil go soiléir, trí tic a chur sa bhosca cuí ar chéadleathanach na foirme a bhíonn i gceist.

4.1.1 Dáta a bheidh éifeacht ag an mbanna

Forordaítear tréimhse dhá bliain san Ordú um Acht na gCuideachtaí (Leasú)(Uimh. 2) 2) 1999 (Bannaíocht) 2000 mar **íosthréimhse** bhailíochta don bhanna. D'fhéadfaí tús a chur leis an tréimhse seo *“níos déanaí ná na himeachta a cuireadh banna i gcrích ina leith”*.

Nuair a éiríonn an t-aon stiúrthóir as oifig, a chónaíonn i mballstát Limistéar Eorpach Eacnamaíoch (LEE), tar éis don chuideachta a ionchorprú, ba chóir go dtosódh tréimhse bhailíochta an bhanna le héifeacht ón dáta a éiríonn an stiúrthóir seo as oifig.

Ba chóir a thabhairt faoi deara go gcuireann alt 5 den bhanna ar chumas na gcomhpháirtithe dáta tosaigh an bhanna a ordú. Ní gá an dáta céanna a roghnú ar a gcuireann na comhpháirtithe an banna i gcrích. Dá réir sin, is féidir bannaí a chur i gcrích roimh an dáta ar gá do chuideachta banna a bheith i bhfeidhm aici, ar an gcoinníoll (a) go dtosaíonn an tréimhse bhailíochta tar éis an dáta sin agus (b) go bhfuil íosthréimhse dhá bhliain aige.

4.2. Deimhniú alt 44

Má **chuireann cuideachta iarratas isteach**, tar éis di a ionchorprú, chuig Cláráitheoir na gCuideachtaí ar dheimhniú agus má fhaigheann sí an deimhniú seo *“go bhfuil nasc fíor agus leanúnach aici le gníomhaíocht eacnamaíoch nó gníomhaíochtaí eacnamaíocha a bhíonn ar siúl sa Stát”*, ní gá don chuideachta sin stiúrthóir amháin a bheith aici ar a laghad a chónaíonn in Éirinn ó dháta an deimhnithe ar aghaidh, chomh fada is a bhíonn sé i bhfeidhm.

D'fhonn a fháil le deimhniú, go bhfuil sé sin nasc, leanfaidh an chuideachta a shásamh na Coimisinéirí Ioncaim, go ceann amháin nó níos mó de na coinníollacha a bhfuil sásta.

(a) na cúrsaí na cuideachta a mbainistiú ag cheann amháin nó níos mó daoine ó áit ghnó a bunaíodh sa stát go bhfuil daoine nó ná daoine sin nó a bheith údaraithe ag an cuideachta chun gníomhú ar a son.

(b) ndéanann an chuideachta ar an trádáil i stát.

(c) tá an chuideachta fochuideachta nó cuideachta shealbhíochta na cuideachta eile nó comhlacht corpraithe, go comhlíonnann nó iad araon de ne coinníollacha a bheith sonraithe.

(d) tá an chuideachta fochuideachta, fochuideachta eile a shásaíonn na coinníollacha a shonraítear i mireanna a nó b.

(alt 44(12) d'Acht na gCuideachtaí (Leasú)(Uimh.2) 1999 (isteach le halt 10(2)(b) Acht na gCuideachtaí (Leasú) 2009)

Cuirtear iarratas isteach chuig an CRO ar an deimhniú seo ag úsáid **Foirme B67**. Ní mór dearbhú ó na Coimisinéirí Ioncaim a chur i gceangal leis an iarratas, dearbhú a chuirtear le chéile laistigh de 2 mhí roimh an dáta a dhéantar iarratas chuig an CRO, go bhfuil foras reasúnach acu go bhfuil nasc den saghas seo ag an gcuideachta. Is féidir iarratas a chur isteach ar an dearbhú riachtanach seo chuig An Cigire Cánach, Príomhoifig Clárúcháin na gCánacha, 14-15 Sráid Uí Chonaill Uachtarach, Baile Átha Cliath 1.

AGUISÍN 1

DUINE A CHÓNAÍONN IN ÉIRINN A SHAINMHÍNIÚ CHUN CRÍOCHA AILT 43

De bhun alt 44(8) d'Acht na gCuideachtaí (Leasú)(Uimh.2) 1999 (isteach le halt 10 Acht na gCuideachtaí (Leasú) 2009), “bíonn duine “ina c(h)ónaí in Éirinn” ag am áirithe (“an t-am ábhartha” -

(a) agus é nó í i láthair sa Stát –

(i) ag am ar bith nó roinnt amanna le linn an 12 mhí roimh an am ábhartha (“na 12 mhí díreach roimhe sin”) le haghaidh tréimhse iomlán 183 lá nó níos mó, nó

(ii) ag am ar bith nó roinnt amanna –

(I) le linn na 12 mhí díreach roimhe sin, agus

(II) le linn na 12 mhí roimh na 12 mhí roimhe sin (“na 12 mhí roimhe sin), ar feadh tréimhse iomlán 280 lá nó níos mó (tréimhse atá comhdhéanta den mhéid laethanta a chaitheann duine sa Stát le linn na 12 mhí díreach roimhe sin agus an méid laethanta a chaith an duine sa Stát le linn na 12 mhí roimhe sin), nó

(b) go bhfuil bliain mheasúnaithe i gceist (de réir bhrí an Achta Comhdhlúite Cánacha, 1997), bliain ina roghnaigh an duine modh áirithe ina leith faoi alt 819(3) den Acht sin.

(9) In ainneoin fo-ailt (8)(a)(ii), nuair a bhíonn duine sa Stát le linn na 12 mhí díreach roimhe sin ag am ar bith nó roinnt amanna ar feadh tréimhse 30 lá nó níos lú –

(a) ní bheidh an duine ina c(h)ónaí sa Stát chun críocha ailt 43, ag an am ábhartha atá i gceist, agus

(b) ní dhéanfar an tréimhse sin a chur san áireamh chun críocha an méid iomlán ama atá luaite, ibhfo-alt 8 (a)(ii).

(10) Chun críocha fo-alt (8) agus (9) –

(a) bíonn duine sa Stát nuair a dhéantar tagairt don duine sin san alt seo mar dhuine atá i láthair go pearsanta sa Stát, agus

(b) measfar go bhfuil duine i láthair sa Stát ar feadh lae amháin agus iad i láthair ann fós ag deireadh an lae.”

AGUISÍN 2

SAGHAS BANNA DAINGNITHE AG CUIDEACHTA GAN STIÚRTHÓIR CÓNAITHEACH

ACHT NA gCUIDEACHTAÍ (LEASÚ)(Uimh. 2) 1999 – ALT 43(3) AN tORDÚ UM ACHT NA gCUIDEACHTAÍ (LEASÚ)(Uimh. 2) 1999 (BANNAÍOCHT), 2000

BHEADH A FHIOS AG GACH UILE DUINE:

1. MAR (ainm an Urra) ^{NÓTA A hAON}

(dá ngairtear “an tUrra” sa bhanna seo), agus ár n-oifig chláraithe againn ag

ar ordú (ainm na cuideachta)

agus a hoifig chláraithe aici ag

(cuideachta atá ag lorg díolúine ó théarmaí alt 43(1) nó (2) d’Acht na gCuideachtaí (Leasú)(Uimh.2) 1999, (isteach le halt 10 Acht na gCuideachtaí (Leasú) 2009)(dá ngairtear “an tAcht” sa bhanna seo) go mbeidh orainn íoc leis an duine atá ainmnithe (de réir bhrí alt 43(3) den Acht) an méid airgid nó na méideanna airgid a éileodh sé/sí i scríbhinn -

- (a) i leith fíneála a íoc go hiomlán nó go páirteach a fhorchuirtear ar an gcuideachta i leith ciona faoi Achtanna na gCuideachta 1963-2005, a rinne an chuideachta, ar cion é atá in-ionchúisithe ag cláraitheoir na gcuideachtaí,
- (b) i leith fíneála a íoc go hiomlán nó go páirteach a fhorchuirtear ar an gcuideachta i leith ciona faoi alt 1078 den Acht Comhdhlúite Cánacha, 1997, a rinne an chuideachta, ar cion é arb é atá ann do mhainneachtain ráiteas a sheachadadh a cheanglaítear uirthi a sheachadadh faoi alt 882 den Acht sin nó cloí le fógra a seirbheáladh uirthi faoi alt 884 den Acht sin,
- (c) i leith pionóis a íoc go hiomlán nó go páirteach go ndlíodh ar an gcuideachta í a íoc faoi alt 1071 nó 1073 den Acht Comhdhlúite Cánacha, 1997,
- (d) le toiliú ó na Coimisinéirí Ioncaim, an méid airgid a d’fhéadfaí a bheith ceadaithe ag na Coimisinéirí Ioncaim agus ag an Aire Fiontar, Trádála agus Nuálaíochta i leith costas den sórt sin a íoc a d’fhéadfaí a bheith tabhaithe go réasúnta ag an duine atá ainmnithe agus a d(h)ualgais á chomhlíonadh aige/aici faoi alt 43(3) den Acht,

cibé an dtarlaíonn an fhíneál nó an pionós sin le linn nó roimh thréimhse bhailíochta an bhanna, ar an gcoinníoll nach sáróidh an méid iomlán airgid a bheidh le híoc ag an Urra leis an duine atá ainmnithe €25,394.76 (fiche cúig míle, trí chéad nócha ceathair euro agus seachtó sé cent) le linn thréimhse bhailíochta an bhanna seo.

2. Is coinníoll é ag an mbanna seo nach mbeidh an tUrra faoi dhliteanas an méid airgid dá ngairtear i mír (a) nó (b), alt 1 den bhanna seo a íoc ach amháin nuair a bhíonn an téarma istigh le híoc as an bhfíneál forchurtha ag an gCúirt agus nach mbíonn an méid airgid áirithe urscaoilte go hiomlán.

3. Is coinníoll é ag an mbanna seo nach mbeidh an tUrra faoi dhliteanas an méid airgid dá ngairtear i mír (c), alt 1 den bhanna seo a íoc ach amháin nuair a bhíonn an t-airgead seo á lorg ag na Coimisinéirí Ioncaim ón gcuideachta agus nach mbíonn an méid airgid áirithe urscaoilte go hiomlán laistigh den thréimhse ama a cheadaítear le haghaidh focaíochtaí den sórt sin.

^{NÓTA A hAON} Ní mór don Urra bheith ina c(h)omhalta ar aicme a shonraítear i Sceideal 2 den Ordú um Acht na gCuideachtaí (Leasú)(Uimh.2) 1999 (Bannaíocht) 2000 (banc, cumann foirgníochta, cuideachta árachais nó institiúid chreidmheasa)

4. Admhaíonn agus glacann an tUrra leis seo nach gcuirfidh an tréimhse ama a thugtar don Chuideachta i leith pionóis a íoc, forchurtha ag na Coimisinéirí Ioncaim, isteach ar dhliteanas an Urra faoin mbanna seo.

5. Beidh éifeacht ag an mbanna seo le haghaidh tréimhse _____ ag tosú ar an _____ lá de _____ agus ag dul in éag an _____ lá de _____ 20____.
(dá ngairtear an tréimhse bhailíochta sa bhanna seo).^{NÓTA A DÓ}

6. Admhaíonn agus glacann an tUrra leis seo i gcás nach ndéantar athnuachan ar an mbanna seo chomh luath agus a théann sí in éag, go gcuirfidh sé/sí é seo in iúl i scríbhinn do chlár na gcuideachtaí chomh luath agus is féidir nó tráth nach déanaí ná 7 lá ina dhiaidh sin.

7. Admhaíonn agus deimhníonn an tUrra leis seo go ndéanfaidh sé/sí cóip dheimhnithe den bhanna seo a thabhairt do chlár na gcuideachtaí a luaithe agus is féidir tar éis don bhanna seo a thabhairt i gcrích.

Arna dhátú an _____ lá de _____ 20____.

I láthair nuair a greamaíodh Comhshéala ^{NÓTA A TRÍ}
an Urra leis seo:

^{NÓTA A DÓ} Ní mór do bhanna dhá bhliain a bheith i gceist ar a laghad agus ní féidir tús a chur leis ach amháin tar éis na himeachta cúí is cúis leis an mbanna.

^{NÓTA A TRÍ} Ní mór don bhanna a bheith forghníomhaithe faoi chomhshéala an Urra.

COMPANIES REGISTRATION OFFICE

Public Office: Parnell House, 14 Parnell Square, Dublin 1

Postal Enquiries: O'Brien Road, Carlow

Lo Call: 1890 220 226

Tel: +353 1 804 5200 Fax: +353 1 804 5222

Email: info@cro.ie Web: www.cro.ie

AN OIFIG UM CHLÁRÚ CUIDEACHTAÍ

Oifig Poiblí: 14 Cearnóg Pharnell, Baile Átha Cliath 1

Fiosruithe: Bóthar Uí Bhriain, Ceatharlach

Lóghlao: 1890 220 226

Fón: +353 1 804 5200 Faics: +353 1 804 5222

Ríomphost: info@cro.ie Láithreán: www.cro.ie